

摘藻堂四庫全書薈要

集部

欽定四庫全書蒼要卷一萬八千二百八十九集部

御定全唐詩卷八百八十四

補遺三

杜牧詩一

首

渡吳江

堠館人稀夜更長  
姑蘇城遠樹蒼蒼  
江湖潮落高樓迥  
河漢秋歸廣殿涼  
月轉碧梧移鵲影  
露低紅草濕螢光  
文園詩侶應多思  
莫醉笙歌掩華堂

厲玄詩一

首

元日觀朝

玉座臨新歲朝盈萬國人火連雙闕曉仗列五門春瑞  
雪銷駕瓦祥光在日輪天顏不敢視稱慶拜空頻

趙璜

詩一首

六月

六月火雲散蟬聲鳴樹梢秋風豈便借客思已蕭條傾  
國三年別煙霞一路遙行人斷消息更上灞陵橋

喻鳧

詩一首

樊川寒食

第一句  
缺一字

新松 綠草古柏翳黃沙  
珮珂客驚鳥綺羅人間花  
戲塵南北馬碾石去來車  
川晚悲風動墳前碎紙斜

潘咸詩一首

芍藥

閒來竹亭賞賞極  
葉珠宮葉已盡餘翠花纔半  
展紅媚欺桃李色香奪綺羅  
風每到春殘日芳華處處同

劉得仁詩五首

### 晚步

野步晚悠悠山光澹早秋遠空淪日脚多稼沒人頭古  
木蟬齊噪深塍水漫流幽居迴不近秋策却堪愁

### 村晚閒步

緩步出居處過原邊雁行夕陽投草木遠水映蒼茫野  
寺同蟾宿雲溪斲藥嘗蕭條霜景暮極目盡堪傷

### 冬日題興善寺崔律師院孤松

為此疎名路頻來訪遠公孤標宜雪後每見憶山中靜

影生幽蘚寒聲入迴空何年植茲地曉夕動清風

題新栽小松

滿庭蕭颯皆凡木豈得颼颼似石溪雪夜枝柯疑畫出  
月中長短共人齊未知何日干天及恐到秋來被鶴棲  
却向舊山尋得處白雲根發覓應迷

栽松

翠色凜空庭披衣獨繞行取從山頂嶮栽得道心生未  
弱幽泉韻焉論別木聲霜天殘月在轉影入池清

薛瑩

詩一首

十日菊

昨日尊前折萬人  
酣曉香今朝籬下見  
滿地委殘陽得  
失片時痛榮枯  
一歲傷未將同腐草  
猶更有重霜

賈島

詩一首

赴南巴留別蘇臺知己

人過梅嶺上歲歲  
北風寒落日孤舟去  
青山萬里看猿  
聲湘水靜草色洞庭寬  
已料生涯事只應持釣竿

莊南傑詩四首

紅薔薇

才調集作  
無名氏詩

九天碎霞明澤國  
造化工夫潛翦刻  
翠葉長眉約細枝  
殷紅短刺鉤春色  
明日當樓晚香歇  
金帶盤空已成結  
謝豹聲催麥隴秋  
熏風吹落猩猩血

曉歌

鷓鴣哭樹星河轉  
海上金烏翅如電  
嫦娥斂髮縮雲頭  
玉女舒霞織天面  
九土廚煙滿城邑  
商洛隴頭車馬急



魏宮鐘動繡窻明  
夢娥驚對殘燈立

春草歌

漠漠絲絲幾多思  
無言領得春風意  
花裁小錦繡晴空  
葉抽碧簟鋪平地  
含芳弔影爭芬敷  
繞雲恨起山薜蘿  
離人不忍到此處  
淚娥滴盡雙真珠

古松歌

山上山下松森沉  
翠蓋煙龜鱗犀甲鏢  
支體泉聲雨脚  
洗春風深碧塵尾埽  
冥濛淺黃龍腹盤  
穹崇擎天攬地

數千尺恐作雲雨歸維嵩維嵩成大厦莫遣邂逅逢樵者

薛能

詩四首

蒲中霽後晚望

河邊霽色無人見身帶春風立岸頭濁水茫茫有何意  
日斜還向古蒲州

龍門八韻

河浸華夷闕山橫宇宙雄高波萬丈瀉夏禹幾年功川

迸晴明雨林生旦暮風人看翻進退鳥性斷西東氣逐  
雲歸海聲驅石落空近身毛乍豎當面語難通沸沫歸  
何處盤渦傍此中從來化髻者攀去路應同

新雪

細落麤和忽復繁頓清朝市不聞喧天迷皓色風何亂  
地溼春泥土半翻香暖會中懷岳寺樵鳴村外想家園  
閒吟只愛煎茶澹斡破平光向近軒

送判官赴京

闕下情偏已絕稀天涯身遠復相依庭花每對從容落  
夜燭多同笑語歸君子是行應柏署鄙人何望即柴扉  
青雲若遇交親話白璧無心待發揮

朱景玄

詩一首

溪東岑望天都山

目望浮山丘梯雲上東岑羣峰爭入冥巉巉生太陰昔  
賢此升仙結構窮聳深未曉日先照當晝色半沈風泉  
雪霜飛雲樹瓊玉林大道非閉隔無路不可尋窺鏡澄

夙慮望壇起敬心一從呼子安永絕金玉音

許渾

詩一首

夜行次東關

一作行次  
潼關驛

逢魏扶東歸

南北斷

一作倦

蓬飄長亭酒一瓢殘雲歸太華疏雨過中

條樹色隨關迴河聲入塞

一作海

遙勞歌此分首

一作手風

急馬蕭蕭

李頻

詩二首

南遊湘漢寄友人

南去遠三京三湘五月行巴江雪水下楚澤火雲生向  
野聊中飲乘涼探暮程離懷不可說已近峽猿聲

送劉山人歸洞庭

却共孤雲去高眠最上峰半湖乘早月中路入疏鐘秋  
盡蟲聲急夜深山雨重當時同隱者分得幾株松

李郢

詩十首

早發

野店星河在行人道路長孤燈憐宿處斜月厭新裝草

色多寒露蟲聲似故鄉  
清秋無限恨殘菊過重陽

題惠山

乳洞陰陰碧澗連  
杉松六月冷無蟬  
黃昏飛盡白蝙蝠  
茶火數星山寂然

雨中看山榴落花

山榴逼砌栽  
山火一團開  
盡日風兼雨  
春渠擁作堆

寄友人乞菊栽

第七句  
缺一字

藥闌經雨正堪鋤  
白菊煩君乞數株  
潘岳賦中芳思在

陶潛籬下綠英無移來稍及蟬鳴樹種罷長教酒滿壺  
子成仙縱難學九秋思看集鳩雛

江邊柳

東風晴色挂闌干  
睂葉初晴畏晚寒  
江上別筵終日有  
綠條春在長應難

鵝兒

臘後閒行村舍邊  
黃鵝清水真可憐  
何窮散亂隨新草  
永日淹留在野田  
無事羣鳴遮水際  
爭來引頸逼人前



風吹楚澤蕙葭暮看下寒溪  
逐去船

酬友人春暮寄枳花茶

昨日東風吹枳花酒醒春晚一甌茶  
如雲正護幽人澗  
似雪纔分野老家金餅拍成和雨露  
玉塵煎出照煙霞  
相如病渴今全校不羨生臺白頸鴉

郢自街西醉歸馬鞭墜失崔員外起  
秘書知其  
闕用皆許見貽俄頃之間二信俱至  
短長堅重  
價不相饒輒抒短章仰酬珍錫

蜀巖陰面冷冥冥，偃雪欺霜半露青。  
鈿刃翦裁多鵲媚，細鞞揮拂帶龍腥。  
崖垂萬仞知無影，蘚漬千年合有靈。  
蘭省貴寮蓬閣吏，一時絨贈到雲亭。

即目

自笑騰騰者非慙，又不狂何為跽似鼠。  
而復怯於麀落拓，無生計伶俜戀酒鄉。  
冥搜得詩窟，偶戰出文場。  
愛雪愁冬盡，懷人覺夜長。  
石樓多爽氣，檉案有餘香。  
運去非關拙，時來不在忙。  
平生兩閒暇，孤趣滿滄浪。

羅敷東館亭下流泉云至前山擁咽經歲移時  
掬弄惆悵成章

看山亭下小鳴泉鳴咽難通亦可憐惆悵無人為踈鑿  
擁愁含恨過年年

于武陵

詩一首

白櫻樹

記得花開雪滿枝和蠶和蝶帶花移如今花落遊蠶去  
空作主人惆悵詩

崔櫓詩二十  
一首

過南城縣麻姑山

似前如却玉堆堆薄帶輕煙翠好裁斜倚兔鉤孤影伴  
校低仙掌一頭來盤疑虎伏形難寫展認龍拏勢未迴  
驚訝昔人曾羽化此中爭不接瑤臺

詩手難題畫手慙淺青濃碧疊東南塵愁世界忙心在  
霞伴神仙穩夢酣雨涕自悲看雪鬢皇冠無計整雲箋  
家風負荷須名宦可惜千峰綠似藍

差煙危碧半斜暉何代仙人此羽飛高袖鎮長寒柏暗  
古祠時復彩雲歸紅塵鞭馬顏將換碧落驂鸞意有違  
聲利繫身家繫念今生辜負六銖衣

和友人題僧院薔薇花三首

何人移得在禪家瑟瑟枝條簇簇霞爭那寂寥埋草暗  
不勝惆悵舞風斜無緣影對金尊酒可惜香和石鼎茶  
看取老僧齊物意一般拋擲等凡花

忍委芳心此地開似霞顏色苦低迴風驚少女偷香去

雨認巫娥覓伴來今日獨憐僧院種舊山曾映釣磯栽  
三清上客知惆悵勸我春醪一兩杯

露香如醉態如慵斜壓危欄草色中試問更誰過野寺  
無憀徒自舞春風蘭缸尚惜連明在錦帳先愁入夏空  
一日幾回來又去不能容易捨深紅

春晚泊船江村

芳草青青古渡頭漁家住處暫維舟殘花半樹悄無語  
細雨滿天風似愁家信不來春又晚客程難盡水空流

自憐愛失心期約看取花時更遠遊

柳

風慢日遲遲拖煙拂水時惹將千萬恨繫在短長枝骨  
軟張郎瘦腰輕楚女飢故園歸未得多少斷腸思

蓮花

影歌晴浪勢歌煙恨態緘言日抵年輕霧曉和香積飯  
片紅時墮化人船人間有筆應難畫雨後無塵更好憐  
何恨斷腸名不得倚風嬌怯醉腰偏

殘蓮花

第二首一  
作張林詩

倚風無力減香時  
涵露如啼臥翠池  
金谷樓前馬嵬下  
世間殊色一般悲

不耐高風怕冷煙  
瘦紅歌委倒青蓮  
無人解把無塵袖  
盛取殘香盡日憐

惜蓮花

半塘前日染來紅  
瘦盡金方昨夜風  
留樣最嗟無巧筆  
護香誰為惜熏籠  
緣停翠擢沈吟看  
忍使良波積漸空



魂斷舊溪顛，態冷煙殘粉。楚臺東

岳陽雲夢亭看蓮花

似醉如慵一水心，斜陽欲暝彩雲深。清  
明月照羞無語，涼冷風吹勢不禁。曾向  
楚臺和雨看，只於吳苑弄船尋。當時為  
汝題詩徧此地，依前泥苦吟。

村路菊花

裊風驚未定，溪影晚來寒。不得重陽節，  
虛將滿把看。神仙誰采掇，煙雨惜彫殘。  
牧豎樵童看，應教愛爾難。

題山驛新桐花

雨餘煙膩暖香浮影暗斜陽古驛樓丹鳳總巢阿閣去  
紫花空映楚雲愁堪憐翠蓋竒於畫更惜芳庭冷似秋  
長日老春看落盡野禽閒哢碧悠悠

山路木芙蓉

不向橫塘泥裏栽兩株晴笑碧巖隈枉教絕世深紅色  
只向深山僻處開萬里王孫應有恨三年賈傅惜無才  
緣花更歎人間事半日江邊悵望迴

新柳

無情柔態任春催似不勝風倚古臺多少去年今日恨  
御溝顏色洞庭來

臨川見新柳

不見江頭三四日橋邊楊柳老金絲岸南岸北往來渡  
帶雨帶煙深淺枝何處故鄉牽夢想兩迴他國見榮衰  
汀洲草色亦如此愁殺遠人人不知

南陽見柳

夜來風入最高枝，骨斷愁腸幾尺絲。  
楚塞曾吟煙午處，曲江長憶雪晴時。  
金銜細轂縈迴岸，戍笛牛歌遠近陂。  
還把舊年惆悵意，武安城下一吟詩。

別君山

點空誇黛妬，愁眉何必浮。  
來結夢思慙，媿二年青翠色。  
惹窗粘枕伴吟詩。

宿壽安山陰館聞泉

一支清急萬山來，穿竹喧飛破石苔。  
夢在故鄉臨欲到。

聲聞孤枕却驚迴多愁鬢髮余甘老有限年光爾莫催  
緣憶舊遊相似處月明山響子陵臺

劉綺莊詩一

首

共佳人守歲

桂華窮北陸荆豔作

一作下

東鄰殘妝欲送曉薄衣已迎

春舉袖爭流雪分歌競繞

一作曉

塵不應將共醉年去遠


催人

御定全唐詩卷八百八十四

謹案卷八百八十二第九頁後二行嵇康嬾慢性

刊本嵇訛稽今改





總校官庶吉士臣張能照

校對官中書臣張塤

膳錄監生臣周嘉猷



欽定四庫全書薈要

集部

御定全唐詩卷八百八十八

五至

詳校官原任主事臣李斯咏



欽定四庫全書蒼要卷一萬八千二百九十

集部

御定全唐詩卷八百八十五

補遺四

皮日休

詩五首

櫻桃花

婀娜枝香拂酒壺  
向陽疑是不融酥  
晚來嵬峩渾如醉  
惟有春風獨自扶

夜看櫻桃花

纖枝瑤月弄圓霜  
半入隣家半入牆  
劉阮不知人獨立

滿衣清露到明香

詠白蓮

膩於瓊粉白於脂  
京兆夫人未畫眉  
靜婉舞偷將動處  
西施嚔效半開時  
通宵帶露妝難洗  
盡日凌波步不移  
願作水仙無別意  
年年圖與此花期

細嗅深看暗斷腸  
從今無意愛紅芳  
折來只合瓊為客  
把種應須玉甃塘  
向日但疑酥滴水  
含風渾訝雪生香  
吳王臺下開多少  
遙似西施上素妝

赤門堰白蓮花

縞帶與綸巾輕舟漾赤門  
千迴紫萍岸萬頃白蓮村  
荷露傾衣袖松風入髻根  
蕭疎今若此爭不盡餘尊

司空圖

詩十首

丙午歲旦

雞報已判春中年抱疾身  
曉催庭火暗風帶寺幡新  
多慮無成事空休是吉人  
梅花浮壽酒莫笑又移巡

丁巳元日

第三十八句缺一字

稟朔華夷會開春氣象生日隨行闕近嶽為壽觴晴作  
睿由稽古昭仁事措刑上玄勞眷祐高廟保忠貞星變  
當移幸人心喜奉迎傳呼清御道雪涕識臣誠鼎飪和  
方濟台階潤欲平扶天咨協力併日召延英金躍洪鑪  
動雲驅衆蟄驚闕中留王氣席上縱奇兵累降搜賢詔  
兼持進善旌短轅收驥步直路發鵬程自乏匡時略非  
沽矯俗名鶴籠何足獻蝸舍別無營羸帶漳濱病吟哀  
越客聲移居荒藥圃耗志在棋枰醉忘身空老書憐眼

尚明偶能甘蹇分豈是薄浮榮慮戒防微淺  
知近利  
輕獻陵三百里寤寐禱時清

光啟三年人日逢鹿

浮世仍逢亂安排賴佛書勞生中壽少抱疾上昇疎日  
暖人逢鹿園荒雪帶鋤知非今又過蘧瑗最憐渠

浙上重陽

第二句  
缺一字

登高唯北望菊助可  
明離恨初逢節貧居只喜晴好  
文時可見學稼老無成莫歎關山阻何當不阻兵

乙巳歲愚春秋四十九辭疾拜章將免左掖重  
陽獨登上方

雪鬢不禁鑷知非又此年退居還有旨榮路免妨賢落  
落鳴蛩鳥晴霞度雁天自無佳節興依舊菊籬邊

重陽山居

此身逃難入鄉關八度重陽在舊山籬菊亂來成爛漫  
家僮常得解登攀年隨歷日三分盡醉伴浮生一片閒  
滿目秋光還似鏡殷勤為我照衰顏

旅中重陽

乘時爭路祗危身，經亂登高有幾人。  
今歲節唯南至在，舊交墳向北邙新。  
當歌共惜初筵樂，且健無辭後會頻。  
莫道中冬猶有閨蟾聲，纔盡即青春。

南至日

第一句  
缺二字

年年山來頻，莫強孤危競。  
要津吉卦偶成開，病眼  
暖簷還葺寄羸身。  
求仙自躁非無藥，報國當材別有人。  
鬢髮堪傷白已遍，鏡中更待白眉新。



五月九日

金石皆銷鑠賢愚共網羅  
達從詩似偈狂覺哭勝歌  
高燕凌鴻鵠枯槎壓芰荷  
此中無別境此外是閻魔

庚子臘月五日

複道朝廷火嚴城夜漲塵  
驕騮思故第鸚鵡失佳人  
禁漏虛傳點妖星不振辰  
何當迴萬乘重覩玉京春

羅隱

詩一首

中元夜看月

朦朧南溟月洶湧出雲濤下射長鯨眼遙分玉兔毫勢  
來牛斗動路越宵冥高竟夕瞻光影昂頭把白醪

唐彥謙

詩十  
一首

木蘭

衆花搖落正無慘脉脉芳叢契後凋舒卷綠苞臨小檻  
剪裁檀的綴長條獨當春盡情何限尚有秋期別未遙  
桃葉近來消息絕見君長憶渡江橈

玉蘂

玉蘂兩高樹相輝松桂旁  
向來塵不雜此夜月仍光  
秀掩叢蘭色艷吞穠李  
芳世人嫌具美何必更清香

蓮

新蓮映多浦迢遞綠塘東  
靜影搖波日寒香映水風金  
塵飄落蘂玉露洗殘紅  
看著餘芳少無人問的中

望岳時賊據華夏

長路風埃隔楚氛忽驚神岳  
映朝曛削成絕壁五千仞  
高揖泥金七十君祝史祕辭  
今莫睹從臣嘉頌久無聞

幽人閒望封中地好為吾皇起白雲

片石

小齋廬阜石寄自沃洲僧山客勞攜笈幽人自得朋瘦  
雲低作段野浪凍成雲便可同清話何須有物憑

柳

春風向楊柳能事盡風流有意疑張緒無情見莫愁依  
然金谷在寧免武昌偷前路難回首何須苦映樓

垂柳

垂柳碧髯茸樓昏帶雨容思量成晝夢來去發春慵梳  
洗憑張敞乘騎笑稚恭碧虛從轉笠紅燭近高春怨臉  
明秋水愁眉淡遠峰小園花盡蝶靜院酒醒蛩舊作琴  
臺鳳今為藥店龍寶奩拋擲久一任景陽鐘

紫薇花

素秋寒露重芳事固應稀小檻臨清沼高叢見紫薇溫  
廬終有思暗淡豈無輝見欲迷交甫誰能狀宓妃妝新  
猶倚鏡步緩不勝衣恍似新相得俚如久未歸又疑神

女過猶佩七香幃，還似星娥織初臨。  
五綵機慶雲今已集，威鳳莫驚飛綺筆。  
題難盡煩君白玉徽。

望中條

第四句  
缺三字

虞鄉縣西郭，改觀揖中條。  
第蓄終南小，交遙崦

深，應有寺峰近。恐通橋為語，前村叟。  
他時寄採樵。

蒙穀山

蒙穀山低碧海枯，仲君閒坐說麻姑。  
遙天鶴語知虛實，長夜神光竟有無。  
祕祝齋心開九轉，侍臣回首聽三呼。

交朋漫信文成術短燭瑤壇漏滿壺

菊

雪菊金英兩斷腸蝶翎蜂鼻帶清香寒村宿霧臨幽徑  
廢苑斜暉傍短牆近取松筠為伴侶遠將桃李作參商  
年來病肺疎杯酒每憶龍山似故鄉

方干

詩一首

山中

愛山却把圖書賣嗜酒空教僮僕賒祇向堦前便漁釣

那知枕上有雲霞  
暗泉出石飛仍咽  
小徑通橋直復斜  
窗竹未抽今夏笋  
庭梅曾試當年花  
姓名未及陶弘景  
髭鬚白於姜子牙  
松月水烟千古在  
未知終久屬誰家

王駕

詩一首

次韻和盧先輩避難寺居看牡丹

亂後寄僧居看花  
恨有餘香宜閒靜  
立態似別離初朶  
密紅相照欄低畫  
不如狂風任吹却  
最共野人疎

杜荀鶴

詩一首



春宮怨

早被嬋娟誤欲妝  
臨鏡慵承恩不在貌  
教妾若為容風  
暖鳥聲碎日高花影重  
年年越溪女相憶採芙蓉

翁承贊

詩一首

晨興

鼓絕天街冷霧收  
曉來風景已堪愁  
槐無顏色因經雨  
菊有精神為傍秋  
自愛鮮飈生戶外  
不教閒事住心頭  
披襟徐步一瀟灑  
吟繞盆池想狎鷗

王貞白

詩十  
一首

江上吟曉

一葉野人舟長將載酒游  
夜來吟思苦江上月華秋  
曉露滿紅蓼輕波颺白鷗  
漁翁似有約相伴釣中流

過商山

一宿白雲根時經採麝村  
數峰雖似蜀當晝不聞猿  
馬立溪沙淺人爭閣道喧  
明朝棄襦罷步步入金門

泛鏡湖

題缺  
二字

我泛鏡湖日未生千里尊時無賀賓客誰識謫仙人吟  
對四時雪憶遊三島春惡聞亡越事洗耳大江濱

太湖石

誰憐孤峭質移在太湖心出得風波外任他池館深不  
同花逞艷多媿竹垂陰一片至堅操那憂歲月侵

依韻和幹公題庭中太湖石二首

山立祗盈尋高竒藥圃陰風濤打欲碎巖穴蟄方深蘚  
點晴偏綠蛩藏曉競吟歲寒終不變堪比古人心

徒勞水府尋宛在玉堂陰  
蘭圃安雖窄盆池映轉深  
山僧來盡愛詩客見先吟  
若是買花者年年不計心

書陶潛醉石

片石陶貞性非為麴蘖昏  
事如累月醉不笑獨醒人  
積疊莓苔色交加薜荔根  
至今重九日猶待白衣魂

看天王院牡丹

前年帝里探春時寺寺名花  
我盡知今日長安已灰燼  
忍隨南國對芳枝

芍藥

芍藥承春寵何曾羨牡丹  
麥秋能幾日穀雨只微寒  
妬態風頻起嬌妝露欲殘  
芙蓉浣紗伴長恨隔波瀾

獨芙蓉

方塘清曉鏡獨照玉容秋  
蠹芟不相採斂蘋空自愁  
日斜還顧影風起強垂頭  
芳意羨何物雙雙瀟瀟游

馮氏書齋小松二首

孤根生遠岳移植翠枝添  
自秉雪霜操任他蜂蝶嫌  
微

陰連迴竹清韻入疎簾聳勢即空碧時人看莫厭  
得地已經歲清音晝夜聞根涵舊山土葉間近溪雲野  
鶴望長遠庭花笑不羣須知搖落後衆木始能分

張蠙

詩一首

社日村居

一作張演詩

鷺湖山下稻梁肥  
狔竄雞棲對掩扉  
桑柘影斜春社散  
家家扶得醉人歸

盧延讓

詩三首

八月十六夜月

十六勝三五中天照大荒  
祗說夢子緣應號沒多光  
桂老猶全在蟾深未煞忙  
難期一年事到曉泥詩章

冬除夜書情

兀兀坐無味思量誰與隣  
數星深夜火一箇遠鄉人  
雁翥天微雪風號樹欲春  
愁章自難過不覺苦吟頻

觀新歲朝賀

龍墀初立仗鴛鷺列班行  
元日燕脂色朝天樺燭香表

章堆玉案繒帛滿牙牀三百年如此無因及我唐



御定全唐詩卷八百八十五

欽定四庫全書薈要卷一萬八千二百九十一集部

御定全唐詩卷八百八十六 補遺五

曹松 詩九首

中秋月

九十日秋色今秋已十分孤光吞列宿四面絕微雲  
木排踈影寒流疊細紋遙遙望丹桂心緒更紛紛

寄方干 以下皆見元人錄本唐人詩賦

桐廬江水間終日對柴關因想別離處不知多少山  
釣

舟春岸濶

一作泊

庭樹晚煙

一作鶯

還莫便求棲隱桂枝堪

恨顏

宿山寺

溪山盡日行方聽遠鐘聲入院逢僧定登樓見月生露  
垂羣木潤泉落一巖清此景闕吾事通宵寐不成

冬日登江樓

高樓臨古岸野步晚來登江水因寒落山雲為雪凝遠  
村雖入望危檻不堪凭親老未歸去鄉愁徒自興

寄李處士

僧話磻溪叟平生重赤松  
夜堂悲蟋蟀秋水老芙蓉  
吟坐倦垂釣閒行多倚筇  
聞名來已久未得一相逢  
塔見移來影鐘聞過去聲  
一齋唯默坐應笑我營營

客中立春

玉燭傳佳節陽和應此辰  
土牛呈歲稔綵燕表年春  
臘盡星回次寒餘月建寅  
梅花將柳色偏思越鄉人

南塘暝興

水色昏猶白霞光暗漸無風荷搖破扇波月動連珠蟋蟀啼相應鴛鴦宿不孤小僮頻報夜歸步尚踟躕

送鄭谷歸宜春

無成歸故國上馬亦高歌況是飛鳴後殊為喜慶多暑消嵩岳雨涼吹洞庭波莫使閒吟去須期接盛科

送曾德邁歸寧宜春

湘東山川有清輝表水詞人得意歸幾府爭馳毛義檄一鄉看侍老萊衣筵開灞岸臨清淺路去藍關入翠微

想到宜陽更無事併將歡慶奉庭闈

李洞

詩一首

山泉

斗空飛下水勢去響如雷靜徹啼猿寺高凌坐客臺耳  
同經劔閣身若到天台濺樹吹成凍凌祠觸作灰深中  
試柳栗淺處落莓苔半夜重城閉潺湲枕上

一作底來

盧士衡

詩二首

松

雲外千尋好性靈  
伴杉陪柏事孤貞  
招呼暑氣終無分  
應和涼風別有聲  
細雨灑時花旋落  
道人食處葉重生  
如逢郢匠垂搜採  
為棟為梁力不輕

再遊紫陽洞重題小松

仙家種此充朝食  
葉葉枝枝造化力  
去年見時似鶴高  
今年蕭騷八九尺  
不同矮檜終委地  
定向晴空倚天碧  
好期逸士統貞根  
昂枝點破秋苔色  
尋思凡眼重花開  
寧知此木超塵埃  
祇是十年五年間  
堪作大廈之宏材

熊皎詩六  
首

湘江曉望

笙歌歡罷散離筵  
水色朦朧蘸宿煙  
山響疎鐘何處寺  
火光收釣下灘船  
微雲過島侵微月  
古岸平江浸遠天  
歸夢已闌風色動  
孤帆仍要住無緣

早行

結束何妨早將行  
四顧頻山前猶見月  
陌上未逢人遠  
樹動宿鳥危橋怯  
病身漸明恒自慰  
應免復迷津



遊嵩山

獨背焦桐訪洞天，暫攀靈迹棄塵緣。  
深逢野草皆疑藥，靜見樵人恐是仙。  
翠木入雲空自老，古碑橫水莫知年。  
可憐幽景堪長往，一任人間歲月遷。

九華望廬山

九江山勢盡崢嶸，惟有匡廬最得名。  
萬壘影遮殘雪在，數峰嵐帶夕陽明。  
冷侵醉榻鋪秋色，高亞吟龍送水聲。  
只待丹青酬志了，白雲深處是歸程。

道傍松

第五句  
缺一字

偃蓋當衢莫記年，獨含蒼翠鶴應憐。  
垂陰獨向笙歌地，有韻自成風雨天。  
塵路岐分夜月燒，侵根脚起殘煙。  
論功只合行人賞，銷得煩蒸古道邊。

月中桂

鑿破重輪種者誰，銀蟾何事便相隨。  
莫言望夜無攀處，却是吟人有得時。  
孤影不凋清露滴，異香常在好風吹。  
幾回目斷雲霄外，未必姮娥惜一枝。

孫魴

詩二十  
八首

湖上望廬山

輟權南湖首重迴  
笑青吟翠向崔嵬  
天應不許人全見  
長把雲藏一半來

題梅嶺泉

梅嶺舊聞傳  
林亭勢巖然  
登臨真不易  
幽勝恐無先  
楚野平千里  
吳江曲一邊  
標形都大別  
洞府豈知焉  
飛閣橫空去  
征帆落面前  
南雄雉堞峻  
北壯鳳臺連  
爛熳三

春媚參差百卉妍  
風桃諸處錦洛竹半溪煙  
燕入晴梁語鶯從暖谷遷  
石根朝靄碧簾際晚霞鮮  
逕柳行難約庭莎醉好眠  
清明時更異造化意疑偏  
不獨宜韶景尤須看暑天  
藥苗繁似結蘿蔓猛如編珠亞  
垂枝果冰澄汲井泉粉牆蛭蛻落  
丹檻雀雛顛炎氣微茫覺清飈  
左石穿雲峰從勃起葵葉豈勞扇  
又見秋天麗渾將夏日懸紅黥著  
霜樹香老卧池邊菱芡誰鋪繡  
莓苔自學錢暗蟲依砌響  
明月逗簾圓小砌滋新菊  
高軒噪暮蟬雨

聲寒颯颯雁影曉  
聯聯釋此何堪玩  
深冬更可憐窗中  
看短景樹裏見重  
川岡阜分明出杉  
松氣概全謳成白  
雪曲吟是早梅篇  
剗制誰人解根基  
太守賢或時留皂  
蓋盡日簇華筵誰  
詠憂黎庶狂遊泥  
管絃交加豐玉食  
來去迸金船侍從  
非常客俳諧像列  
仙畫旗張赫奕妖  
妓舞嬋娟罷宴心  
猶戀將歸興尚牽  
祗應愁逼夜寧厭  
賞經年孤賤今何  
幸躋攀奈有緣展  
眉驚豁達徐步喜  
周旋諷詠雖知苦  
推功靡極玄聊書  
四十韻甘責未精

專

廬山瀑布

有山來便有萬丈落雲端霧噴千巖濕雷傾九夏寒  
圖中僧寫去湖上客迴看却羨為猿鶴飛鳴近碧湍

牡丹

意態天生異轉看看轉新百花休放艷三月始為春  
蝶死難離檻鶯狂不避人其如豪貴地清醒復何因

主人司空後亭牡丹

佳卉挺芳辰天容乃絕倫望開從隔歲愁過即無春體  
物真英氣餘花似庶人蜂攢知眷戀鳥語亦殷勤况在  
豪華地寧同里巷塵酷憐應喪德多賞奈怡神忌穢栽  
時土嘗甜折處津繞行那識倦圍坐豈辭頻入夢殊巫  
峽臨池勝洛濱樂喧絲雜竹露漬卯連寅飲興尤思滿  
吟情自合新怕風惟怯夜憂雨不經旬攔檻為良援亭  
臺是四鄰雖非能伐性爭免礙還淳鬪艷何慚蜀矜繁  
未讓秦私心期一日許近看逡巡

看牡丹二首

莫將紅粉比穠華  
紅粉那堪比此花  
隔院聞香誰不惜  
出欄呈艷自應誇  
北方有態須傾國  
西子能言亦喪家  
輸我一枝和曉露  
真珠簾外向人斜

看花長到牡丹月  
萬事全忘自不知  
風促乍開方可惜  
雨淋將謝可堪悲  
閒年對坐渾成偶  
醉後拋眠恐負伊  
也擬便休還改過  
迢迢爭奈一年期

題未開牡丹



青苞雖小葉雖疎貴氣高情便有餘  
渾未盛時猶若此  
算應開日合何如尋芳蝶已棲  
丹檻襯落苔先染石渠  
無限風光言不得一心留在暮春初

主人司空見和未開牡丹輒却奉和

把筆臨芳不自怡首徵章句促妖期  
已驚常調言多鄙  
遽捧高吟媿可知絕代貞名應愈重  
千金方笑更難移  
狂歌狂醉猶堪羨大拙當時是老時

又題牡丹上主人司空

一年芳勝一年芳  
愛重賢侯意異常  
手闢紅房看濶狹  
自張青幄蓋馨香  
白疑美玉無多潤  
紫覺靈芝不是祥  
祇恐夢徵他日去  
又須疑向鳳池傍

牡丹落後有作

未發先愁有一朝  
如今零落更魂銷  
青叢別後無多色  
紅線穿來已半焦  
蓄恨綺羅猶眷眷  
薄情蜂蝶去飄飄  
明年雖道還期在  
爭奈憑欄乍寂寥

柳絮詠

年年三月裏隨處自悠揚  
雨過渾疑盡風來特地狂  
入花蜂有礙遮水燕無妨  
苦是添離思青門道路長

甘露寺紫薇花

蜀葵鄙下蕪全落菡萏清高且未開  
赫日迸光飛蝶去  
紫薇擊艷出林來  
聞香不稱從僧舍  
見影尤思在酒杯  
誰笑晚芳為賤劣  
便饒春麗已塵埃  
牽吟過夏惟憂盡  
立看移時亦忘迴  
惆悵寓居無好地  
嬾能分取一枝栽

芳草

何處不相見煙苗捧露心萋萋綠遠水苒苒在空林野  
吹間搖濶遊人醉臥深南朝古城裏碑石又應沈

春苔

底物最牽吟秋苔獨自尋何時連夜雨疊翠滿松陰湘  
岸荒祠靜吳宮古砌深侯門還可惜長被馬蹄侵

老松

第三句  
缺一字

鬱鬱復蒼蒼秋風韻更長空心應有老葉不知霜子  
落生深澗陰清背夕陽如逢東岱雨猶得覆秦王

柳十一  
首

龍葱二月初青軟自相紆意態花猶少風流木更無影  
繁晴陌上煙重古城隅煬帝河聲裏幾番榮又枯

數樹新栽在畫橋春來猶自長長條東風多事剛牽引  
已解纖纖學舞腰

金堤堤上一林煙况近清明二月天別有數枝遙望見  
畫橋南面拂鞦韆

春物牽情不奈何就中楊柳態難過也知是處無花去

爭奈看時未覺多

小眉初展綠條稠  
露壓煙濛不自由  
莫是折來偏屬意  
依稀相似是風流

九衢春霽濕雲凝  
着地穆穆礙馬行  
擬折無端拋又戀  
亂穿來去羨黃鶯

千樹陰陰蓋御溝  
雪花金穗思悠悠  
先朝事後應無也  
惟是荒根逐碧流

搖蕩和風恃賴春  
蘸流遮路逐年新  
顛狂絮落還堪恨

分外欺凌寂寞人

暖催春促吐芳芽伴雨從風處處斜  
莫道玄功無定配不然爭得見桃花

小池前後碧江濱翠拋青爛漫春  
不是和風為擡舉可能開眼向行人

深綠依依配淺黃兩般顏色一般香  
到頭孌娜成何事祇解年年斷客腸

看桑

簇簇牙相遮閒看實可嗟藉多雖是葉栽盛不如花春  
綠暗連麥秋乾暮立鴉舊鄉曾種得經亂屬誰家

劉昭禹

詩五首

僊都山留題

林下事無非塵中竟不知白雲深擁我青石合眠誰山  
靜擣靈藥夜閒論古詩此來親羽客何日變枯髭

晚霽望嶽麓

湘西斜日邊峭入幾尋天翠落重城內屏開萬戶前崖



峻危濺瀑林罅靜通仙誰肯功成後相攜掃石眠

石筍

千古海門石移歸吟叟居竅腥蛟出後形瘦浪衝餘工  
語寧無玉僧知忽有書好期仙者叱變化向庭隅

傷雨後牡丹

廢功看不已醉起又持杯數日簾常卷中宵雨忽來淒  
涼無戲蝶零落在蒼苔造化根難問令人首可迴

送人紅花栽

世上紅蕉異因移萬里根艱難離瘴土瀟灑入朱門葉  
戰青雲韻花零宿露痕長安多未識誰想動吟魂

劉乙詩二  
首

曉望

地祇逃秀境神化或殷雷裂漢媧補合高峰劒躍開即  
今新定業何世不遺才若是浮名道須言有禍胎

山中早起

雞調扶桑枝秋空隱少微濶雲霞並曜高日月爭輝若

厥開天道同初發帝機以言當代事閒闢紫宸扉

姚揆詩二首

晚步

陋巷貧疑本姓顏晚來閒步出林間數聲長笛吹沈日  
一片殘雲點破山島寺漸疎敲石磬漁家方半掩柴關  
遲迴從此搜吟久待得溪頭月上還

秋日江東晚行

迢迢驅馬過江東此際令人恨莫窮一撮秋煙堤上白

半輪殘日嶺頭紅  
路岐滋味猶如舊  
鄉曲聲音漸不同  
含思看看到梁苑  
畫樓絲竹徹遙空

陳光詩二

首

題陶淵明醉石

片石露寒色  
先生遺素風  
醉眠芳草合  
吟起白雲空  
道出乾坤外  
聲齊日月中  
我知彭澤後  
千載與誰同

長安新柳

九陌雲初霽  
皇衢柳已新  
不同天苑景  
先得日邊春色

淺微含露絲輕未惹塵一枝方欲折歸去及茲晨

楊凝式

詩一首

雪晴

春來冰未泮冬至雪初晴為報方袍客豐年瑞已成

御定全唐詩卷八百八十六

欽定四庫全書薈要卷一萬八千二百九十二

集部

御定全唐詩卷八百八十七

補遺六

盧言

一作顏  
詩一首

上安祿山

祿山入洛陽大雪盈尺言上詩

象曰雲雷屯大君理經綸馬上取天下雪中朝海神

裴諤

字士明聞喜人擢明經累官  
至兵部侍郎河南尹詩一首

儲潭廟

大曆三年戊申歲季夏閏月壬子日感  
應至大曆五年庚戌歲夏六月甲午建

江水上源急如箭潭北轉急令目眩中間十里澄漫漫

龍蛇若見若不見老農老圃望天語儲潭之神可致雨  
質明齋服躬往奠牢醴豐潔精誠舉女巫紛紛堂下儻  
色似授芳意似與雲在山兮風在林風雲忽起潭更深  
氣靈祠宇連江陰朝日不復照翠岑迴溪口兮權清流  
好風帶雨送到州吏人雨立喜再拜神兮靈兮如獻酬  
城上樓兮危架空登四望兮暗濛濛不知兮千萬里惠  
澤願兮與之同我有言兮報匪徐車騎復往禮如初高  
垣墉兮大其門灑掃丹雘壯神居使過廟者之加敬酒

食貨財而有餘神兮靈神兮靈匪享慢享克誠

任要

兗州團練使詩一首

臘月中與韋戶曹游發生洞裴回之際見雙白

蝙蝠三飛洞門時多異之同為口號

貞元十四年第八

句缺二字

山翠幕靈洞洞深玄想微一雙白蝙蝠三度向明飛雖  
然有兩翅了自無毛衣若非飽石髓那得凌  
偶見

歸堪說殊勝不見歸



韋洪

京兆人官戶  
曹詩一首

臘月中遊發生洞裴回之際見雙白蝙蝠三飛

洞門時多異之同為口號

第九句  
缺一字

欲驗發生洞先開冰雪行窺臨見二翼色素飛無聲狀  
類白蝙蝠幽感騰化精應知五馬來啓蟄迎春榮露冕  
之久鳴騶還慰情

馬又

宣宗時人  
詩一首

蜀中經蠻後寄陶雍

首馬渡瀘水北來如鳥輕幾年期鳳闕一日破龜城此  
地有征戰誰家無死生人悲還舊里鳥喜下空營弟姪  
意初定交朋心尚驚自從經難後吟苦似猿聲

張紹

南唐人  
詩一首

冲佑觀

大始未形混沌無際上下開運乾坤定位日月麗天山  
川鎮地萬彙猶屯三才始備肇有神化初生蒸民上惟  
立德下無踈親皇風蕩蕩黔首淳淳天下有道誰非聖

人開源嗜慾澆漓俗盛賢者避世真人華命八極神鄉  
十州異境翠阜丹丘潛伏靈聖惟彼武夷實曰洞天峰  
巒黛染巖岫霞鮮金房玉室羽蓋雲輶日風雨會有  
神仙國步多艱皇綱中絕四海九州瓜分幅裂稔禍陬  
隅阻兵甌越寂寞玄風荒涼絳闕赫赫烈祖再造丕基  
拱揖高讓神人樂推明明我后允協昌基功崇下武德  
茂重熙睿哲英斷雄畧神智拓土開疆經天緯地五嶺  
來庭三湘清徹四海震威羣生懷惠猶勞宵旰猶混馬

車貪狼俟靜害馬方除淹留駿馭想像鶉居心懸真洞  
夢到華胥乃眷名山追惟聖跡內庫頒金元侯奉職三  
境求規五靈取則跨谷彌岡張霄架極珠宮寶殿璇臺  
玉堂鳳翔高躑龍轉迴廊錯落金碧玲瓏壁璫雲生林  
楚雷繞藩牆七聖斯嚴三君如在八景靈與九華神蓋  
清霄莫胥明霜匪對彷彿壺中依稀物外衆真之宇擬  
之無倫會僊之類名之惟新高峰為壑區谷成垆皇獻  
頌聲永絕溜磷

鄭露

字思叟號南湖莆田人太府卿詩一首

徹雲澗

延綿不可窮寒光徹雲際落石蚤雷鳴濺空春雨細

林披

字茂則號師道官刺史詩一首

秋氣尚高涼

秋氣尚高涼寒笛吹萬木故人入我庭相照不出屋山  
川雖遠觀高懷不能掬

公孫杲

承宣郎行博城縣丞詩一首

五言贈諸法師

駕鶴排朱霧，乘鸞入紫煙。  
凌晨味潭菊，薄暮翫峰蓮。  
玉葉低梁下，金飈引窗前。  
嘯傲雲霞際，留情鱗羽年。

李夔

定州司馬  
詩一首

恒岳晨望有懷

二儀均四序，五嶽分九州。  
靈造良難測，神功匪易酬。  
恒山北臨岱，秀嶠東跨幽。  
瀕洞鎮河朔，嵯峨冠嵩丘。  
裡祠彰舊典，壇廟列平疇。  
古樹侵雲密，飛泉界道流。  
從官叨

佐理銜命奉珍羞薦玉申誠效鏘金諒有由郊原照初  
日林薄委徂秋塞近風聲厲川長霧氣收他鄉饒感激  
歸望切祈求景福如光願私門當復侯

暢甫

詩一首

偶宴西蜀摩訶池

珍木鬱清池風荷左右披淺觴寧及醉慢舸不知移蔭  
林簟光冷照流簪影敲胡為獨羈者雪涕向漣漪

吳士矩

詩一首

飲後獻時相

士矩牧大郡因時相論置軍倅獻此

一夕心期一種歡  
那知踈散負杯盤  
尊前數片朝雲在  
不許馮公子細看

吳黔

詩一首

失題

故國海雲端歸寧便  
整鞍里榮身上  
舊省罷手中  
蘭燒急平蕪廣風悲  
古木寒謝公山色在  
朝夕共誰觀

崔融

乾寧中吳郡人詩一首



題惠聚寺

蘇州崑山縣惠聚寺殿基乃鬼神一夕砌成殿中有僧絲畫龍每因風雨

夜騰趨波濤傷田害稼鄉人患之僧繇再畫一鎖鎖之仍畫一釘釘其鎖至今人捫其釘頭隱

隱融因

題寺壁

人莫嫌山小僧還愛寺靈殿高神氣力龍活客丹青

錢信

詩一首

平望贈蛟

安得神仙術試為施康濟使此平望村如吾江子滙

胡傳美

詩一首

武康碧落觀

仙宮碧落太微書遺蹟依然掩故居  
幢節不歸天杳邈  
煙霞空鎖日幽虛不逢金簡拔雲洞  
可惜瑤臺疊薜除  
欲脫儒衣陪羽客傷心齒髮已凋疎

許宏

詩一首

白雲寺

踏破苔痕一徑斑  
白雲飛處見青山  
不知浮世塵中客  
幾箇能知物外閒

文丙詩五

首

羅浮山

羅浮多勝境夢到固無因  
知有長生藥誰為不死人  
根雖盤地脉勢自倚天津  
未便甘休去須棲老此身

牡丹

萬物承春各鬪奇  
百花分貴近亭池  
開時若也姮娥見  
落日那堪公子知  
詩客筵中金玞滿  
美人頭上玉釵垂  
不同寒菊舒重九  
只擬清香泛酒卮

薜花

寂寞人偏重無心媿牡丹  
秋風凋不得流水泛應難怪  
石從教徧幽庭一任盤若逢公子顧重疊是朱欄

新栽松

可憐同百草况負雪霜姿  
歌舞地不尚歲寒人自移  
塔除添冷淡毫末入思惟  
盡道生雲洞誰知路嶮巖

柳 第二句  
缺一字

何事動吟哦長翠色和垂陰  
千樹少送別一枝多帶

霧籠彭澤搖風舞汴河只因隋帝植民力幾銷磨

路應

詩一首

仙巖四瀑布即事寄上祕書包監侍郎七兄吏  
部李侍郎十七兄婺州趙中丞處州齊諫議明

州李九郎十四韻

絕境久蒙蔽芟蘿方迨茲樵蘇尚未及冠冕誰能知緣  
崖開徑小架木度空危水激千雷發珠聯萬貫垂陰晴  
狀非一昏旦勢多奇井識軒轅跡壇餘漢武基猿聲響

深洞巖影倒澄池想像虬龍去依稀羽客隨翫竒目豈  
倦尋異神忘疲干雲松作蓋積翠薜成帷含意攀丹桂  
凝情顧紫芝芸香藹芳氣冰鏡徹圓規胥念滄波遠徒  
懷魏闕期徵黃應計日莫鄙北山移

李績

詩一首

奉和郎中遊仙巖四瀑布寄包祕監李吏部趙  
婺州中丞齊處州諫議十四韻

符守分珪組放情在丘巒悠然造雲族忽爾登天壇求

古理方蹟翫奇物不殫晴光散崖壁瑞氣生芝蘭中有  
四瀑水奔流狀千般風雲隱巖底雨雪霏林端晶晶含  
古色颼颼引晨寒澄潭見猿飲潛穴知龍盤坐憩苔石  
遍仰窺杉桂攢幽蹊創高躅靈藥餘仙殮攜賞喜康樂  
示文驚建安縑緗炳珠寶中外貽同官末調亦何為輒  
陪高唱難慙非御徒者還得依門欄

戴公懷

詩一首

奉和郎中遊仙山四瀑泉兼寄李吏部包秘監

趙婺州齊處州

今日永嘉守復追山水遊因尋莽蒼野遂得軒轅丘訪  
古事難究覽新情屢周溪垂綠篠暗巖度白雲幽過石  
竒不盡出林香更浮憑高擁虎節搏險窺龍湫淙淥瀉  
三四奔騰千萬秋寒驚殷雷動暑駭繁霜流沫濺羣鳥  
外光搖數峰頭叢崖散滴瀝近谷藏颼颼况此特形勝  
自餘非等儔靈光掩五嶽仙氣均十洲書以謝羣彥永  
將叙徽猷當思共攀陟東南看斗牛



孟翔詩一  
首

奉和郎中遊仙山四瀑布兼寄李吏部包祕監  
判官

昔人恣探討飛流稱石門安知郡城側別有神泉源  
疏鑿意大禹勤求聞軒轅悠悠幾千歲翳蒼羣木繁  
竒狀出蔽蔓勝槩畢討論公崖百丈落奔注當空翻  
下如散雨足上擬屯雲根變態凡幾處靜神竟朝昏  
渴賢寄珠玉受馥尋蘭蓀蘿萑冒紫綬巖隈駐朱輻  
方思謝康樂

好事名空存

崔耿

詩一首

晚眺

江溶流落景山色凝暮煙  
衰髮照秋日壯心減昔年  
愁吟長抱膝孰訴高高天

宇文鼎

詩一首

山下泉

可致清川廣難量利物功  
涓流此山下誰識去無窮

郭密之詩一  
首

永嘉經謝公石門山作

綿境經耳目未嘗曠躋登一窺石門險再滌心神懵洞  
壑闕金澗歌崖盤石楞陰潭下羃羃秀嶺上層層千丈  
瀑流蹇半溪風雨絙興餘志每愜心遠道自弘乘輶廣  
儲峙祇命媿才能輟權周氣象捫條歷騫崩忽如生羽  
翼恍若將起騰謝客今已矣我來誰與朋

扈載詩一  
首

芳草

幽芳無處無幽處恨何如  
倦客傷歸思春風滿舊居  
晚煙迷杳靄朝露健扶疎  
省傍靈光看殘陽少皞區

薛光謙

詩一首

任閬中下鄉檢田登艾蕭山北望

觀農巡井邑長望歷山川  
擁澗開新耨緣崖指火田  
荒村無徑陌古戍有風煙  
瓠葉縈籬長藤花繞架懸岸高  
攢樹石水淨寫雲天  
回首鄉關路行歌猶喟然

尉遲汾

朝散大夫守衛尉少卿詩一首

府尹王侍郎准制拜嶽因狀嵩高靈勝寄呈三

十韻

雄雄天之中峻極聞維嵩作鎮盛標格出雲為雨風瑞  
時物不癘順澤年多豐加高冠四方

白武通云中央之嶽獨加高字者何

中央居四方之中可高故曰嵩高

視秩居三公明朝虔昭報頌祀歲嚴

恭署祝紆御札詔賢導宸衷皇皇三川守馨德清明躬  
肅徒奉蘭沐竟夕玉華東星漢耿齋戶松泉寒壽宮具

修諒蠲吉曙色猶葱矇端儀大圭立興俛聲玲瓏挹瓚

椒桂馥奏金巖壑空靈歌若有答彷彿傳祝工卒事不

遑偃勝竒紛四叢朝霞破靈嶂錯落間蒼紅動息形似

蟻玄黃氣如籠奔傾千萬狀羣嶽安比崇日月襟袖捧

人天道路通冥搜必殫竭躋覽忘崎穹踏翠徧諸刹趣

綿步難終浮丘仙杖接謝公屐齒窮龍潭應下瞰九曲

當駭容

又有九龍潭在寺側崇崖對聳壁立千仞九曲分蓄鹹黑不測

龍門計東豁三

臺有何蹤

雜道書云自嶽廟東二十里至一山名曰東龍門其東有三臺山昔漢武東巡過此山觀

三學仙女遂以為名馬

金象語奚應

仙經云嵩高大巖下有佛圖音妙有大金像在中來語寺

僧密公密公時在嵩高寺寺在嵩脚下聞之欣然披林求索時白霧昏迷失路一往看之即入山水維觀一麝

香去人三四步側足雙跳步步若有所引良久回顧去十步中忽有燄青色就視之得自然天池

玉人

光想融

盧元明嵩山記嶽廟畫為神像有一玉人長五寸玉色甚光潤制作亦佳莫知早晚所造蓋嶽

神之像相傳謂明公山中人悉云嘗失之經旬乃覩

瑤漿與石髓清骨宜遭逢

世說

嵩山北有大穴中覩二人圍碁有一柸白飲與墮者飲氣力十倍碁者問願停否墮者云不願碁者曰從此西

行天井中多蛟龍但投身入井自當得出若飢取井物食之墮者如言可半年乃出蜀中問張華華曰此仙館

丈夫所飲者玉漿所食者龍穴石髓

况是降神處跡惟申甫同周翰已洽

論伊衡亦期功誠富東山興須陟中台庸勉促旋駢軫  
未可戀雲松散材事即異期為卜一峰

馬令

失名守博城  
縣令詩一首

早春陪敕使麻先生

慈力

祭岳

久視二年  
八句十一句十

二句各  
缺一字

我皇盛文物道化天地先鞭撻走神鬼玉帛禮山川忽  
下袁州使來遊紫洞前青羊得處所白鶴時年度懇  
飛龍記昭彰化鳥篇 風半山水 氣總雲煙光抱昇



中日霞明五色天山橫翠微外室在綠潭邊緹幕灰初  
履焚林火欲然年光著草樹春色換山泉伊水來何日  
嵩巖去幾千山疑小天下人是會神仙葉令乘鳧入浮  
丘駕鶴旋麻姑幾年歲三見海成田

御定全唐詩卷八百八十七

欽定四庫全書蒼要卷一萬八千二百九十三

集部

御定全唐詩卷八百八十八

補遺七

靈澈

詩一首

奉和郎中題仙巖瀑布十四韻

致間在一郡民安已三年每懷貞士心孫許猶差肩採  
異百代後得之古人前捫險路坳坳臨深聞潺湲上有  
千歲樹下飛百丈泉清谷長雷雨丹青凝霜煙遙將大  
壑近閭與方壺連白石顏色寒老藤花葉鮮軒皇自茲

去喬木空依然碧山東極海明月高昇天平野生竹柏  
雖遠地不偏永願酬國恩自將布金田穆穆早朝人英  
英丹陛賢誰思滄洲意方欲涉巨川

貫休

詩一首

過商山

吟緣橫翠憶天台嘯狖啼猿見盡猜四箇老人何處去  
一聲仙鶴過溪來皇城宮闕迴頭盡紫閣煙霞為我開  
天際峰峰盡堪住紅塵中去大悠哉

齊已

詩一首

過西塞山

空江平野流風鳥葦颼颼殘日銜西塞孤帆向北洲邊  
鴻渡漢口楚樹出吳頭終日高雲裏身依片石休

可朋

詩一首

中秋月

登樓仍喜此宵晴圓魄纔觀思便清海面乍浮猶隱映  
天心高挂最分明片雲想有神仙出迴野應無鬼魅形

曾向洞庭湖上看君山半霧水初平

修睦

詩七首

僧院泉

澄澈照人膽深山只一般來難窮處所心去助波瀾  
砌曲夜聲苦窗虛客夢闌無心誰肯愛時有老僧看

題僧院泉

何處雲根新布得歸仍半日在煙蘿莫輕竹引經窗小  
須信更深入耳多繞砌雖然清自別出門長恐濁相和

從此無心戀滄海滄海無風亦起波

岳上作

始好步青苔蟬聲且莫催辛勤來到此容易便言迴遠  
水月未上四方雲正開更堪逢道侶特地話天台

望西山

積翠異諸嶽令人看莫休有時經暮雨獨得倚高樓雲  
外僧應老林間水正秋到頭歸隱處豈在問嵩丘

題虎培泉

一自虎掇得清聲四遠流衆人憐爾處長夜洗心頭出  
谷花隨去背巖猿下偷林邊落江徼風起雨條條

松

細韻颼颼入骨涼影兼巢鶴過高牆盤根一種依平地  
自是梧桐不久長

岳陽對柳

誰此種秋色令人看莫窮正垂雲夢雨不奈洞庭風昔  
出長安道獨遊隋苑東當時今日思須信苦相同

清豁

陳洪進表奏賜號  
性空禪師詩一首

歸山吟

聚如浮沫散如雲聚不相將散不分入郭當時君是我  
歸山今日我非君

吳筠

詩六  
首

遊倚帝山二首

山間非吾心物表翼所託振衣超煩滓策杖追岑壑絕  
地窮崕岬造天究磐礴邇臨煙霞積逖睇宇宙廓俯驚



白雲涌仰駭飛泉落苔濃鮮翠屏松古麗丹嶸目冀覩  
喬羨心希馭龍鶴乃知巢由情豈伊援鳥樂

茲山何獨秀萬仞倚昊蒼晨躋煙霞趾夕憩靈仙場俯  
觀海上月坐弄浮雲翔松風振雅音桂露含晴光不出  
六合外超然萬累忘信彼古來士巖棲道彌彰

翰林院望終南山

竊慕隱淪道所歡巖穴居誰言忝休命遂入承明廬物  
情不可易幽中未嘗攄幸見終南山岩堯凌太虛

青靄長不滅白雲閒卷舒悠然相探討延望空躑躅迹  
繫心無極神超興有餘何當解維繫永託逍遙墟

秋日彭蠡湖中觀廬山

泛舟太湖上迴瞰茲山隈萬頃滄波中千峯鬱崔嵬涼  
煙發爐嶠秋日明帝臺絕巔凌大漠懸流瀉昭回穹崇  
石梁引岬豁天門開飛鳥屢隱見白雲時往來超然契  
清賞目醉心悠哉董氏出六合王君升九垓誰言曠遐  
祀庶可相追陪從此永棲託拂衣謝浮埃

秋日望倚帝山

楚服多奇山靈表先倚帝孤秀白雲裏青冥何崇麗秋  
天已晴朗晚日更澄霽遠峰列在目杳與神襟契倏忽  
遺世間宛如再登詣伊予抱斯志代處人煙閉何事牽  
俗網悠然負芝桂竭來從隱淪式保羨門計

李冶

詩二  
首

薔薇花

翠融紅綻渾無力斜倚闌干似詫人深處最宜香惹蝶

摘時兼恐焰燒春當空巧結玲瓏帳著地能鋪錦繡裯  
最好凌晨和露看碧紗窗外一枝新


柳

最愛纖纖曲水濱夕陽移影過青蘋東風又染一年綠  
楚客更傷千里春低葉已藏依岸櫂高枝應閉上樓人  
舞腰漸重煙光老散作飛綿惹翠裯

御定全唐詩卷八百八十八

謹案卷八百八十七第四頁後六行山川雖遠觀  
刊本山訛出據別本改





總校官庶吉士 臣 張能照

校對官中書 臣 張 塤

謄錄監生 臣 周嘉猷



欽定四庫全書薈要

集部

御定全唐詩卷八百

八十九至  
九十一

詳校官原任主事 李斯咏



欽定四庫全書薈要卷一萬八千二百九十四

集部

御定全唐詩卷八百八十九

詞 唐人樂府元用律絕等詩雜和聲歌之具并和聲作實字長短其句以就曲拍者為填詞開元天寶擊其端元和太和衍其流大中咸通以後迄於南唐二蜀尤家工戶習以盡其變凡有五音二十八調各有分屬今皆失傳

明皇帝 一首

好時光

寶髻偏宜宮樣蓮臉嫩體紅香眉黛不須張敞畫天教

入鬢長 莫倚傾國貌嫁取箇有情郎彼此當年少莫  
負好時光

昭宗皇帝

四首

巫山一段雲

縹緲雲間質盈盈波上身袖羅斜舉動埃塵明豔不勝  
春 翠鬢晚妝煙重寂寂陽臺一夢冰眸蓮臉見長新  
巫峽更何人

蝶舞梨園雪鶯啼柳帶煙小池殘日豔陽天苧蘿山又

山青鳥不來愁絕忍看鴛鴦雙結春風一等少年心  
閒情恨不禁

菩薩蠻

一名子夜歌一名巫山  
一片雲一名重疊金

登樓遙望秦宮殿  
茫茫只見雙飛燕  
渭水一條流  
千山與萬丘  
遠煙籠碧樹  
陌上行人去  
安得有英雄  
迎歸

大內中

一作何處是英雄  
迎懷歸故宮

飄飄且在三峰下  
秋風往往堪霑灑  
腸斷憶仙宮  
朦朧煙霧中  
思夢時時睡  
不語長如醉  
早晚是歸期  
蒼穹

知不知

後唐莊宗

名存勗在位四年謚曰光聖神閔詞四首

一葉落

一葉落寒朱箔此時景物正蕭索畫樓月影寒西風吹  
羅幕吹羅幕往事思量著

如夢令

一名憶仙姿一名宴桃源一名比梅

曾宴桃源深洞一曲清歌舞鳳長記別伊時和淚出門  
相送如夢如夢殘月落花煙重

陽臺夢

薄羅衫子金泥縫，困纖腰、怯銖衣重。笑迎移步，小蘭叢  
鞞金翹玉鳳。嬌多情脈脈，羞把同心撚弄。楚天雲雨  
却相和，又入陽臺夢。

歌頭

賞芳春暖，風飄箔鶯啼綠。樹輕煙籠晚閣。杏桃紅開，  
萼靈和殿，禁柳千行斜。金絲絡夏雲多，竒峰如削。紈扇  
動微涼，輕綃薄。梅雨霽，火雲爍。臨水檻，永日逃鮀暑。泛

觥酌 露華濃冷高梧雕萬葉一霎晚風蟬聲新雨歇  
惜惜此光陰如流水東籬菊殘時歎蕭索繁陰積歲時  
暮景難留不覺朱顏失却好容光且且須呼賓友西園  
長宵讌雲謡歌皓齒且行樂

南唐嗣主李璟 三首

浣溪沙

一作浣紗溪  
一名小庭花

風壓輕雲貼水飛乍晴池館燕爭泥沈郎多病不勝衣  
沙上未聞鴻雁信竹間時聽鷓鴣啼此情惟有落花

知

攤破浣溪沙

一名山  
花子

菡萏香銷翠葉殘  
西風愁起綠波間  
還與韶光共顛顛  
不堪看  
細雨夢回雞塞遠  
小樓吹徹玉笙寒  
多少淚珠何限恨  
倚闌干

手卷真珠上玉鈎  
依前春恨瑣重樓  
風裏落花誰是主  
思悠悠  
青鳥不傳雲外信  
丁香空結雨中愁  
回首滌波三峽暮  
接天流



後主煜

三十五首

漁父

一名漁  
歌子

浪花有意千里雪  
桃花無言一隊春  
一壺酒一竿身快  
活如儂有幾人

一擢春風一葉舟  
一綸繭縷一輕鉤  
花滿渚酒滿甌  
萬頃波中得自由

憶江南

一名望江南  
一名夢江口  
一名望江梅  
一名歸塞北  
江南好

一名謝秋娘

一名春去也

多少恨昨夜夢魂中還似舊時遊上苑車如流水馬如  
龍花月正春風

多少淚霑袖復橫頤心事莫將和淚滴鳳笙休向月明  
吹腸斷更無疑

閒夢遠南國正芳春船上管弦江面綠滿城飛絮混輕  
塵愁殺看花人

閒夢遠南國正清秋千里江山寒色暮蘆花深處泊孤  
舟笛在月明樓

擣練子

一名深院月

深院靜小庭空斷續寒砧斷續風無柰夜長人不寐數

聲和月到簾櫳

雲鬟亂晚妝殘帶恨看兒遠岫攢斜托香顚春筍嬾為

誰和淚倚闌干

相見歡

一名烏夜啼一名上西樓一名西樓子一名月上瓜洲一名秋夜月一名憶真

妃

林花謝了春紅太息息無柰朝來寒雨晚來風

胭脂

淚相留醉幾時重自是人生長恨水長東  
無言獨上西樓月如鉤寂寞梧桐深院鎖清秋  
翦不斷理還亂是離愁別是一般滋味在心頭

長相思

一名雙紅豆一名山  
漸青一名憶多嬌

一重山兩重山山遠天高煙水寒相思楓葉丹  
菊花

開菊花殘塞雁高飛人未還一簾風月閒

雲一縞玉一梭澹澹衫兒薄薄羅輕顰雙黛螺  
秋風

多雨如和簾外芭蕉三兩窠夜長人柰何

浣溪沙

紅日已高三丈透  
金鑪次第添香獸  
紅錦地衣隨步皺  
佳人舞點金釵溜  
酒惡時拈花蕊嗅  
別殿遙聞簫鼓奏

轉燭飄蓬一夢歸  
欲尋陳迹悵人非  
天教心願與身違  
待月池臺空逝水  
蔭花樓閣漫斜暉  
登臨不惜更霑衣

采桑子

一名醜奴兒 一名羅敷 一名羅敷歌

輓轡金井梧桐晚幾樹驚秋  
畫雨如愁百尺蝦須上玉  
鉤 瓊窗春斷雙蛾皺  
回首邊頭欲寄鱗游九曲  
寒波不泝流

亭前春逐紅英盡  
舞態徘徊細雨霏  
微不放雙眉時暫  
開 綠窗冷靜芳音斷  
香印成灰可柰情懷欲睡  
朦朧入夢來

菩薩蠻

花明月暗籠輕霧  
今宵好向郎邊去  
剗鞦韆步香階手提

金縷鞋 畫堂南畔見一晌  
偎人顫好為出來難教君  
恣意憐

蓬萊院閉天台女畫堂  
晝寢無人語拋枕翠雲光  
繡衣聞異香 潛來珠鎖  
動驚覺鴛鴦夢慢臉笑  
盈盈相看無限情

銅簧韻脆鏘寒竹新聲  
慢奏移纖玉眼色暗相  
鉤秋波橫欲流 雨雲深  
繡戶來便諧衷素宴罷  
又成空夢迷春睡中

人生愁恨何能免，消魂獨我情何限。  
故國夢重歸，覺來雙淚垂。  
高樓誰與上，長記秋晴望。  
往事已成空，還如一夢中。

清平樂

一名憶  
羅月

別來春半，觸目愁腸斷。  
砌下落梅如雪亂，拂了一身還滿。  
雁來音信無憑，路遙歸夢難成。  
離恨却如春草更行更遠，還生。

喜遷鶯

一名鶴冲天  
一名燕歸來



曉月墜宿雲微無語枕頻欹夢回芳草思依依天遠雁  
聲稀啼鶯散餘花亂寂寞畫堂深院片紅休掃儘從  
伊留待舞人歸

阮郎歸

一名醉桃源  
一名碧桃春

東風吹水日銜山春來長是閒落花狼藉酒闌珊笙歌  
醉夢間春睡覺晚妝殘無人整翠鬟留連光景惜朱  
顏黃昏獨倚闌

錦堂春

一名烏  
夜啼

昨夜風兼雨，簾幃颯颯秋。  
聲燭殘，漏滴頻，歌枕起，坐不能平。  
世事漫隨流水，算來一夢浮生。  
醉鄉路穩宜頻到，此外不堪行。

應天長

一鉤初月臨妝鏡，蟬鬢鳳釵慵不整。  
重簾靜，層樓迴，惆悵落花風不定。  
柳堤芳草徑，夢斷轆轤金井。  
昨夜更闌酒醒，春愁過却病。

望遠行

碧砌花光照眼明  
朱扉長日鎮長扃  
餘寒欲去夢難成  
爐香煙冷自亭亭  
遼陽月秣陵砧  
不傳消息但傳情  
黃金臺下忽然驚  
征人歸日二毛生

浪淘沙

一名賣花聲

簾外雨潺潺  
春意闌珊  
羅衾不耐五更寒  
夢裏不知身  
是客  
一晌貪歡  
獨自暮凭闌  
無限江山  
別時容易見  
時難流  
水落花春去也  
天上人間

往事只堪哀  
對景難排  
秋風庭院  
蘚侵階  
一桁珠簾閒

不卷終日誰來  
金劍已沉埋壯氣  
蒿萊晚涼天淨月  
華開想得玉樓瑤殿影空照秦淮

木蘭花

一名玉樓春一名春  
曉曲一名惜春容

曉妝初了明肌雪  
春殿嬪娥魚貫列  
鳳簫聲斷水雲間  
重按霓裳歌徧徹  
臨風誰更飄香屑  
醉拍闌干情未  
切歸時休放燭花紅  
待蹋馬蹄清夜月

虞美人

風回小院庭蕪綠  
柳眼春相續  
凭闌半日獨無言  
依舊

竹聲新月似當年  
笙歌未散尊罍在  
池面冰初解  
燭明香暗畫樓深  
滿鬢清霜殘雪思難禁

春花秋月何時了  
往事知多少  
小樓昨夜又東風  
故國不堪回首月明中  
雕闌玉砌應猶在  
只是朱顏改  
問君能有幾多愁  
恰似一江春水向東流

一斛珠

一名醉  
落魄

晚妝初過沈檀輕注些兒箇  
向人微露丁香顆  
一曲清歌暫引櫻桃破  
羅袖裊殘殷色可  
杯深旋被香醪澆

繡牀斜凭嬌無那爛嚼紅茸笑向檀郎唾

臨江仙

櫻桃落盡春歸去蝶翻輕粉雙飛子規啼月小樓西玉  
鉤羅幕惆悵暮煙垂別巷寂寥人散後望殘煙草低  
迷爐香閒嫋鳳皇兒空持羅帶回首恨依依

蝶戀花

一名一羅金一名黃金縷一名明月生  
南浦一名鳳棲梧一名鵲躡枝一名卷

珠簾一名

魚水同歡

遙夜亭皋閒信步纔過清明漸覺傷春暮數點雨聲風

約住朦朧澹月雲來去  
桃李依依香暗度誰在鞦韆  
笑裏輕輕語一片芳心千萬緒  
人間沒箇安排處

破陣子

一名十拍子

四十年来家國三千里地山河鳳闕龍樓連霄漢玉樹  
瓊枝作煙蘿幾曾識干戈一旦歸為臣虜沈腰潘鬢  
銷磨最是蒼黃辭廟日教坊獨奏別離歌垂淚對宮娥

蜀主王衍 二首

醉妝詞

者邊走那邊走只是尋花柳那邊走者邊走莫厭金杯  
酒

甘州曲

畫羅裙能解束稱腰身柳眉桃臉不勝春薄媚足精神  
可惜淪落在風塵

後蜀主孟昶

詞一首

木蘭花

冰肌玉骨清無汗水殿風來暗香滿繡簾一點月窺人



欹枕釵橫雲鬢亂  
起來瓊戶啓無聲  
時見疎星渡河

漢屈指西風幾時來  
只恐流年暗中換

蘇軾洞仙歌  
即繫括此詞

御定全唐詩卷八百八十九